



H A R A N G V E P R O N O N C E E

deuant le Roy par Monsieur de la Haye, l'un
des Deputez, avec Messieurs le Baron de
Verac, d'Heſperien & de Guerin, enuoyez
à ſa Maieſté par l'Assemblée, des Deputez
des Eglises Reformees de France, & Souue-
raineté de Bearn, conuoquée à Loudun par
permiſſion de ſa Maieſté, le Samedi 25.
Ianuier 1620.



I R E,

Comme nous n'auons
point d'aſſés dignes remer-
ciemens, ny pouuoir de
rendre par l'employ de nos biens, de nos
honneurs, & de pluſieurs vies ſi nous les
auions, d'aſſez grands ſeruices à voſtre
Maieſté, pour la recognoiſſance de ſes
bien-faits, & l'aſſurance qu'il luy a plu
nous donner, tant par ceux qu'elle nous
a enuoyez, que par nos Deputez de la

B

continuation de ses faueurs. Nos parolles aussi ne sçauroient assez exprimer la iuste douleur que nous ressentons, que les artifices de nos mal-veillans ayent tant eu de pouuoir sur les bonnes inclinations de vostre Maiesté, que de nous faire commander nostre separation deuant qu'auoir esté pourueu à nos plaintes. Nostre esperance, ou plustost ses remedes, ayans ainsi esté reculez à nos maux, nous auons estimé que puis que Dieu n'a point desagreable d'estre importuné des prieres de ses creatures; Vostre Maiesté qui en est icy bas la viue Image, ne le fera non-plus des tref-humbles supplications que nous luy osons presenter plus d'une fois; non tant par le ressentiment de nostre mal, que pour le bien de son seruice: sçachans que sa bonté ne peut estre espuisée, & que nul autre n'en peut partager avec elle l'honneur & la gloire. La longue tollerance des infractions des Edicts de pacification, lesquelles paroissent tous les iours en la diminution de nos places de seureté: desenterrements de nos morts, bruslemens de nos Temples, rebellion

aux Commissaires enuoyez de vostre Ma-
 iesté par les prouinces, & autres sembla-
 bles. Le grand nombre d'inexecutions des
 choses si solemnellement iurees, quelques
 poursuittes qu'en ayent faites nos Depu-
 tez generaux par tant d'annees, nous don-
 ne vne iuste crainte, que ce ne soit à no-
 stre ruine. Et ceste mesme tollerance dis-
 pence nos mal-veillans de redoubler leurs
 excés, multiplier ses desordres, & procurer
 nostre naufrage au calme de l'Estat, & dás
 le port asséuré de vostre Royale puissan-
 ce. Ce qui a fait charger nos memoires de
 nous prosterner continuellement aux
 pieds de vostre Maieité, iusques à ce que
 nous puissions remporter dans ses Prouin-
 ces quelque soulagement & satisfaction,
 plustost que des plaintes & du desespoir,
 qui seroit dè dangereuse consequence. En
 cela, S I R E, consiste nostre affermissé-
 ment qui n'a point de mains, ny mesme
 de pensée pour choquer vostre autorité
 souueraine (comme on nous veut calom-
 nier.) Mais seulement des genoux pour y
 flechir, se fortifier par vne constante sub-
 mission, & donner suiet d'obeissance à

ceux qui violent ses Edicts & ses volontez. Nous ne doubtons point des Royales promesses de vostre Maiesté, si l'accomplissement ne dépendoit de plusieurs Ministres de ses commandemens, qui par vne iniuste difference exercée entre les subiects nous en ostent trop souuent la iouissance. Et pleust à Dieu, S I R E, que vostre Maiesté peust inspirer de sa volonté le cœur de tous ses peuples; toute crainte sortiroit du nostre, & nous n'aurions besoin d'autres places de seureté ny d'autres Edicts qui ne nous sont nécessaires que contre l'animosité de ceux qui nous haïssent sans nous cognoistre, ou pour estre moins vnis & inseparables que nous au seruice de vostre Maiesté, laquelle nous n'assuiettissons, ni sa personne sacrée à aucune dépendance terrienne. Les assemblees qu'il plaist à vostre Maiesté nous permettre, ne sont pas seulement pour nommer les Deputez qui résideront près d'elle, mais aussi pour luy presenter nos plaintes, & y estre pourueu; & que ce soit durant ou apres la tenuë de l'assemblée: ce n'est pas vne simple formalité à nostre

regard, mais de la substance de nostre manutention; nous assurons que si vostre Maiesté est bien informée de la necessité, & des exemples, selon qu'il a esté obserué es Assemblies precedentes, elle agrera nos demandes; sa debonnereté estant tres-prompte à soulager les ames oppressees, qui apres Dieu, ne flechissent que deuant elle. C'est pourquoy, S I R E, tous couuerts de respect & d'humilité, nous nous iettons aux pieds de vostre Maiesté pour la supplier qu'il luy plaise abaisser ses yeux sur nos douleurs, & faisant reluire sur nous sa clemence & sa Iustice, qui comme deux Soleils des Empires, ont paru si clairement dès ses premiers ans en ses Royales actions, porter de sa main puissante les remedes presens & salutaires à nos playes: Par le retardement desquels on s'efforce de les rendre mortelles; conduire insensiblement vostre Maisté à la rupture de ses Edicts, & sous ombre de nostre perte, chercher celle de l'Estat, & dans le trouble fauoriser de pernicious desseins. Mais les augustes

vertus de vostre Maïesté nous assurent d'estre exaucez, & que remportans dans ses prouinces ses loüanges & bien-faits, par de fauorables responses à nos Cahiers, nous aurons moyen de luy continuer ses glorieux resmoignages de nostre subiection & fidelité; esleuans nos cœurs à Dieu, à ce qu'il luy plaise adiouster à l'heureuse domination de vostre Maïesté toute sorte de prosperitez, & de longues annees, & faire qu'elle puisse, s'il est possible, surpasser les victoires & la gloire de HENRY LE GRAND de tres-haute & tres-illustre renommée, qui viura eternelle en nos cœurs, en la memoire des hommes, en la France & en l'Vniuers.

F I N.



